

SREDNJOBOSANSKI KANTON/KANTON SREDIŠNJA BOSNA, po ovlaštenju SBK/KSB Ministarstvo finansija/financija, ul. Vezirska 62., 72 270 Travnik, ID: 4236743780009, kojeg zastupa ministrica finansija/financija Mirjana Plavčić (u daljem tekstu: Korisnik kredita)

i

_____, ul. _____, ID: _____, koju zastupaju
predsjednik Uprave _____ i član Uprave _____ (u daljem tekstu:
Banka)

UGOVOR O DUGOROČNOM KREDITNOM ZADUŽENJU SREDNJOBOSANSKOG KANTONA/KANTONA SREDIŠNJA BOSNA

Ovaj ugovor se zaključuje na osnovu provedenog Javnog poziva za dugoročno kreditno zaduženje Srednjobosanskog Kantona/ Kantona Središnja Bosna u 2026. godini, broj: **04-11-5829-2/2026 od 14.08.2026.** godine, Odluke ministrice finansija/financija o izboru banke za kreditno zaduženje Srednjobosanskog Kantona/ Kantona Središnja Bosna u 2026. godini, broj: _____/26 od _____ 2026. godine, Odluke Vlade Srednjobosanskog Kantona/ Kantona Središnja Bosna o dugoročnom kreditnom zaduženju Kantona, broj: _____ od _____ 2026. godine i Odluke Kreditnog/Nadzornog odbora Banke, broj: _____ od _____ 2026. godine.

II PREDMET UGOVORA

Član 2.

Predmet ovog ugovora je kreditiranje dijela kapitalnih projekata planiranih u Budžetu Srednjobosanskog Kantona/ Kantona Središnja Bosna za 2026. godinu, u iznosu 15.000.000,00 KM (slovima: petnaestmiliona KM).

III NAMJENA KREDITA

Član 3.

Kreditna sredstva će se koristiti za namjene utvrđene u tabelarnom prikazu projekata – namjena kreditnih sredstava.

IV USLOVI KREDITA

Član 4.

4.1. Ugovorne strane su se sporazumjele o uslovima ovog ugovora:

- a) Ovim ugovorom utvrđuje se da Banka odobrava kredit Korisniku kredita u ukupnom iznosu od _____,00 KM (slovima: _____ KM) (u daljem tekstu: Kredit), a Korisnik kredita se obavezuje da plati ugovorenu cijenu te vrati cjelokupan iznos Kredita, pod uslovima, u roku i na način utvrđen ovim ugovorom.
- b) Za odobreni iznos Kredita godišnja kamatna stopa iznosi _____ % fiksno.

4.2. Cijena iz člana 5. ovog ugovora neće se mijenjati u toku izvršenja ovog ugovora i ne podliježe bilo kakvim promjenama.

4.3. Za odobreni iznos kredita, Korisnik kredita neće plaćati bilo koju vrstu naknade tokom trajanja ugovornog odnosa.

V. CIJENA KREDITA

Član 5.

Korisnik kredita za odobreni Kredit u iznosu _____ KM (slovima: _____) plaća Banci cijenu u ukupnom iznosu _____ KM (slovima: _____).

Banka će formirati konačan otplatni plan koji ne može biti veći od dostavljene ponude Banke.

Sastavni dio ovog ugovora je Ponuda ponuđača broj _____ od _____ 2026. godine, protokolirana na protokolu SBK/KSB Ministarstva finansija/financija pod brojem _____ od _____ 2026. godine, kao i otplatni plan Banke.

VI. KORIŠTENJE, NAČIN I ROK OTPLATE KREDITA

Član 6.

6.1. Korištenje Kredita

Banka će doznačiti Kredit Korisniku kredita u jednom, punom ugovorenom iznosu. Banka će izvršiti uplatu Kredita direktno na Jedinstveni račun trezora SBK/KSB Korisnika kredita, na poseban namjenski račun broj: 102-713-0000010191, kod banke UNION BANKA DD Sarajevo, u roku od tri (3) radna dana od dana zaključenja ugovora.

6.2. Način i rok otplate kredita

6.2.1. Rok otplate kredita je deset (10) godina, uključujući jednu (1) godinu grace perioda koji je uračunat u rok otplate. Definisani otplatni plan odnosi se na ukupan iznos kredita iz člana 2. ovog ugovora.

6.2.2. Kredit se otplaćuje tokom devet (9) godina u tridesetšest (36) jednakih kvartalnih rata, nakon isteka grace perioda. Grace period traje jednu (1) godinu, počevši od dana doznake sredstava na transakcijski račun Korisnika kredita. Prva rata dospijeva za plaćanje na kraju prvog kvartala po isteku grace perioda.

6.2.3. Obračun i plaćanje kamate vrši se kvartalno unazad tokom grace perioda, Korisnik kredita vraća samo dio Kredita (kamatu) definisanog otplatnim planom Banke, koji je sastavni dio ovog ugovora.

6.2.4. Rate kredita se plaćaju u KM (konvertibilnim markama) na dan dospjeća obaveze, odnosno prema otplatnom planu Banke.

6.2.5. Na sve dospjele, a neplaćene iznose koje Korisnik kredita duguje na osnovu ovog ugovora, nakon isteka roka od osam (8) dana obračunava se i naplaćuje kamata za kašnjenje u visini zakonske zatezne kamate u Federaciji Bosne i Hercegovine.

6.2.6. Sva plaćanja Korisnik kredita vrši na osnovu pismene obavijesti Banke, dostavljene putem Protokola Ministarstva finansija/financija, najmanje deset (10) dana prije datuma dospjeća obaveza, odnosno prema otplatnom planu koji je sastavni dio ovog ugovora.

6.2.7. Korisnik kredita može otplatiti kredit po ovom ugovoru djelomično ili u cjelosti i prije dospjeća, pod uslovom da o tome obavijesti Banku najmanje deset (10) radnih dana unaprijed.

VII OBAVEZE UGOVORNIH STRANA

Član 7.

7.1. Korisnik kredita je dužan:

a) da Budžet Srednjobosanskog Kantona/ Kantona Središnja Bosna za 2026. godinu, u kojem su planirani primici od domaćeg zaduživanja i koji je objavljen u „Službenim novinama Kantona Srednjobosanskog Kantona/ Kantona Središnja Bosna“, broj: 1/26, kao i sve naredne budžete do kraja otplate kredita, te odgovarajuću odluku o zaduženju u skladu sa Zakonom o dugu, zaduživanju i garancijama u Federaciji Bosne i Hercegovine („Službene novine Federacije Bosne i Hercegovine“, br. 45/25), učini dostupnim na web stranici <https://sbk-ksb.gov.ba/bs/ministarstvo-finansija.html> ;

b) da učini dostupnim finansijske izvještaje i ostalu dokumentaciju potrebnu za obradu kreditnog zahtjeva, u skladu s odlukama Agencije za bankarstvo Federacije Bosne i Hercegovine.

7.1.1. U svrhu osiguranja otplate kredita po ovom ugovoru, Korisnik kredita je dužan, po potpisivanju ovog ugovora, osigurati i predati Banci, kao instrument obezbjeđenja urednog povrata kredita, bjanko potpisane i ovjerene mjenice sa ovlaštenjem za popunu. Korisnik kredita ovlašćuje Banku da primljene bjanko mjenice može koristiti za naplatu dospjelih, a neizmirenih potraživanja po ovom ugovoru. U tom slučaju, Banka je ovlaštena da u svaku primljenu bjanko mjenicu upiše iznos svih dospjelih, a neizmirenih potraživanja na dan popunjavanja mjenice, zatim datum dospjeća, upiše sve druge nedostajuće sastojke, te je podnese na isplatu, odnosno da mjenicom može provesti sve druge propisane radnje radi naplate mjeničnog potraživanja. Mjenice će biti deponovane kod Banke. Po otplati kredita, Banka će izvršiti povrat instrumenata obezbjeđenja po kreditu i izdati potvrdu o izvršenoj otplati kredita.

7.2. Banka je dužna:

Izvršiti doznačavanje kredita Korisniku kredita na način kako je definisano u članu 6, tačka 6.1. ovog ugovora.

VIII POSEBNI USLOVI

Član 8.

8.1. Ugovorne strane, Banka i Korisnik kredita, dužne su da sve vrijeme tokom trajanja ovog ugovora preduzimaju sve potrebne mjere u cilju otkrivanja i sprečavanja pranja novca i finansiranja terorističkih aktivnosti, u skladu s odredbama Zakona o sprečavanju pranja novca i finansiranja terorističkih aktivnosti („Službeni glasnik Bosne i Hercegovine“, broj: 13/24).

8.2. Ugovorne strane, Banka i Korisnik kredita, dužne su da preduzimaju sve potrebne mjere i da poštuju sve zakone i propise vezane za ekološke standarde, u cilju osiguravanja zaštite i poboljšanja okoliša, u skladu s važećim propisima, uključujući, ali ne ograničavajući se na: Zakon o zaštiti okoliša/životne sredine, Zakon o zaštiti voda, Zakon o zaštiti prirode, Zakon o zaštiti zraka, Zakon o šumama, Zakon o prostornom

uređenju/uređenju prostora, Zakon o koncesijama, Zakon o upravljanju otpadom, kao i sve ostale relevantne ekološke, zdravstvene i sigurnosne propise na lokalnom, kantonalnom, entitetskom i državnom nivou

8.3.Sva potraživanja koja Banka ima ili će imati prema Korisniku kredita tretirat će se na *pari passu* osnovi u odnosu na bilo koja druga potraživanja ostalih vjerovnika Korisnika kredita.

IX OTKAZ I RASKID UGOVORA

Član 9.

9.1.Banka ima pravo otkazati Ugovor o kreditu ako Korisnik kredita koristi kredit protivno ugovorenoj namjeni, u slučaju insolventnosti Korisnika kredita ili prestanka pravne osobe, te potraživanja po ovom ugovornom odnosu učiniti trenutno dospelim.

Ugovor se otkazuje dostavom otkaznog pisma, bez otkaznog roka, a raskida dostavom obavijesti o raskidu ugovora, s tim da sva potraživanja Banke utvrđena na otkazanom/raskinutom ugovoru dospijevaju na naplatu danom otpreme otkaznog pisma/obavijesti na adresu registriranog sjedišta Korisnika kredita, odnosno na adresu o kojoj je isti uredno obavijestio Banku.

9.2. Banka ima pravo raskinuti ovaj ugovor i proglasiti obaveze po ovom ugovoru u cijelosti dospelim u slučaju:

- kašnjenja u ispunjenju dospelih obaveza iz člana 6, tačka 6.2. ovog ugovora i Otplatnog plana, koji je sastavni dio ovog ugovora,
- neispunjenja obaveza iz ovog ugovora,
- nastanka materijalno relevantnih promjena ili potencijalno materijalno relevantnih promjena u finansijskom stanju Korisnika kredita, ili ako finansijski izvještaji Korisnika kredita pokazuju da isti neće biti u mogućnosti ispunjavati svoje obaveze o dospelju po ovom ugovoru,
- okolnosti koje otežavaju poslovanje ili narušavaju ugled Banke,
- u svim drugim slučajevima kada nastupe okolnosti i stanja koja bi mogla dovesti u pitanje naplativost potraživanja iz ugovorenih instrumenata osiguranja ili sposobnost Korisnika kredita da ispuni, odnosno uredno ispunjava obaveze preuzete ovim ugovorom.

9.3. Otkazom/raskidom ovog ugovora o kreditu za Korisnika kredita nastaje obaveza da Banci plati ukupan neotplaćeni iznos kredita i dospelu, a neplaćenu kamatu.

X RASPOLAGANJE PODACIMA – SAGLASNOST

Član 10.

10.1. Potpisom ovog ugovora Korisnik kredita daje Banci neopozivu saglasnost da ima pravo da bitne informacije i zaštićene podatke, u skladu sa Zakonom o zaštiti ličnih podataka, do kojih dođe pri realizaciji ovog ugovora, dostavlja članicama grupe Banke unutar i izvan države, te društvima sa kojima zaključi ugovor o poslovnoj saradnji, kao i društvima koja se bave provjerom kreditne historije, statistikom, te nadležnim državnim organima i institucijama kojima je Banka, po osnovu zakonskih i podzakonskih propisa, obavezna dostavljati iste.

Pri tome je Banka dužna osigurati povjerljivost postupanja i punu zaštitu bankovne tajne na strani svih osoba kojima će, u skladu sa ovom saglasnošću, biti omogućen pristup zaštićenim podacima, kao i njihovo korištenje u sljedeće svrhe:

- kreiranje zajedničke baze klijenata grupe,

- provođenje mjera dubinske analize klijenata,
- dostavljanje informativnih ponuda o uslugama koje pružaju članice navedene grupe,
- upravljanje rizicima,
- sprečavanje pranja novca i finansiranja terorizma.

10.2. Ugovorne strane su saglasne da će područje raspolaganja, prijenosa i obrade podataka Korisnika kredita od strane Banke urediti posebnom pisanom i unaprijed definiranom saglasnošću za raspolaganje podacima, koja čini sastavni dio ovog ugovora, a u skladu s važećim zakonskim propisima koji uređuju ovu oblast. Saglasnost se daje za period trajanja ugovornog/poslovnog odnosa s Bankom i neće biti opozvana.

XI ZAVRŠNE ODREDBE

Član 11.

11.1. Ugovorne strane potvrđuju da su pročitale ovaj ugovor, bezuslovno ga prihvatile, te da su upoznate sa svim uslovima kredita, što potvrđuju svojim potpisima.

11.2. Na sve što nije regulisano ovim Ugovorom, primjenjivat će se odredbe Zakona o obligacionim odnosima i drugih važećih zakona u Federaciji Bosne i Hercegovine.

11.3. Sva obavještenja, zahtjevi i drugi dopisi u vezi sa ovim Ugovorom, ugovorne strane su dužne sačiniti u pisanoj formi i iste dostaviti na adresu:

Za korisnika kredita:

Protokol Ministarstva finansija/financija SBK/KSB,
ul. Vezirska 62.,
72 270 TRAVNIK

Za Banku:

11.4. Ako se bilo koja od gornjih adresa promijeni, strane su o tome dužne odmah obavijestiti drugu ugovornu stranu pismeno.

11.5. Svi sporovi koji proizilaze iz ovog ugovora ili u vezi s njim, a koji ne budu riješeni sporazumno između Korisnika kredita i Banke, rješavat će nadležni sud u Travniku.

Član 12.

Sastavni dio ovog ugovora čine:

1. Ponuda ponuđača broj: _____ od _____ 2026. godine, protokolirana na protokolu Ministarstva finansija/financija pod brojem: _____ od _____ 2026. godine,
2. Tabelarni prikaz projekata – namjena kreditnih sredstava,
3. Otplatni plan Banke.

Član 13.

Ovaj ugovor stupa na snagu danom potpisivanja obje ugovorne strane i ostaje na snazi sve dok se njegove odredbe u potpunosti ne ispune.

XII PRIMJERCI UGOVORA

Član 14.

Ovaj ugovor sačinjen je u četiri (4) istovjetna primjerka, od kojih po dva (2) dobija svaka ugovorna strana.

Korisnik kredita:

Ministrica finansija/financija

Mirjana Plavčić

Banka:

Predsjednik Uprave

Član Uprave

Broj: _____/26
Travnik, _____ 2026. godine

Broj: _____/26
Travnik, _____ 2026. godine